

কালিমাতুশ্ শাহাদাহ্ “লা ইলাহা ইল্লাল্লাহ” এই কালিমাহ্’র শর্ত কয়টি ও কি কি?

কালিমাতুশ্ শাহাদাহ্ এর সাতটি শর্ত (কোন কোন ‘উলামায়ে কিরাম বলেছেন- আটটি শর্ত) একত্রে; একই সাথে পূরণ করতে হবে। তা হলেই কেবল প্রকৃত অর্থে মুছলমান হওয়া যাবে।

কালিমাতুশ্ শাহাদাহ্ “لا اله الا الله” এর শর্তগুলো হলো যথা:-

(১) জ্ঞান, যাতে থাকবে না অজ্ঞতার লেশমাত্র।

অর্থাৎ, সুস্পষ্টভাবে জানতে হবে এই কালিমাহ্’র প্রকৃত অর্থ, তাৎপর্য, এবং এর দাবি ও চাহিদা।

কেননা আল্লাহ ﷺ ইরশাদ করেছেন:-

فَاعْلَمْ أَنَّهُ لَا إِلَهَ إِلَّا اللَّهُ^১

অর্থাৎ- আর জেনে রেখো, আল্লাহ ছাড়া সত্যিকারের কোন মা’বুদ নেই।^২

এ সম্পর্কে রাছুল ﷺ বলেছেন:-

مَنْ مَاتَ وَهُوَ يَعْلَمُ أَنَّهُ لَا إِلَهَ إِلَّا اللَّهُ، دَخَلَ الْجَنَّةَ.^৩

অর্থাৎ- যে ব্যক্তি এমন অবস্থায় মারা গেল যে, (জীবিত অবস্থায়) সে ভালো করে জানত, “আল্লাহ ছাড়া আর কোন সত্য ও সত্যিকার মা’বুদ নেই”, সে ব্যক্তি অবশ্যই জান্নাতে প্রবেশ করবে।^৪

(২) সুদৃঢ় বিশ্বাস, যাতে থাকবে না সন্দেহের গন্ধমাত্র।

অর্থাৎ কোনরূপ সন্দেহ ব্যতীত অন্তরে দৃঢ়ভাবে এই বিশ্বাস পোষণ করতে হবে যে, একমাত্র আল্লাহ ﷻ ব্যতীত আর কোন সত্য ও সত্যিকার মা’বুদ নেই। কেননা আল্লাহ ﷻ ইরশাদ করেছেন:-

إِنَّمَا الْمُؤْمِنُونَ الَّذِينَ آمَنُوا بِاللَّهِ وَرَسُولِهِ ثُمَّ لَمْ يَرْتَابُوا.^৫

অর্থাৎ- সত্যিকারের মু’মিন হচ্ছে তারা, যারা আল্লাহ ও তাঁর রাছুলের উপর ঈমান এনেছে এবং ঈমান আনার পর তাতে কোনোরূপ সন্দেহ পোষণ করে না।^৬

১. سورة محمد- ১৭

২. ছুরা মুহাম্মাদ- ১৯

৩. رواه مسلم

৪. সাহীহ মুছলিম

৫. سورة الحجرات- ১০

৬. ছুরা হুজুরাত- ১৫

এ সম্পর্কে রাছুল ﷺ বলেছেন:-

أَشْهَدُ أَنْ لَا إِلَهَ إِلَّا اللَّهُ، وَأَنَّي رَسُولُ اللَّهِ، لَا يَلْقَى اللَّهُ بِهِمَا عَبْدٌ غَيْرَ شَاكٍّ فِيهِمَا، إِلَّا دَخَلَ الْجَنَّةَ.^٩

অর্থ- “আমি এই সাক্ষ্য দিচ্ছি যে, আল্লাহ্ ছাড়া সত্য কোনো মা’বুদ নেই এবং আমিই (মুহাম্মাদ) আল্লাহ্‌র রাছুল”। যে ব্যক্তি এ দু’টি শাহাদাহ্‌র (ঘোষণা ও সাক্ষ্যের) ব্যাপারে কোনরূপ সন্দেহ পোষণ না করে আল্লাহ্‌র নিকট উপস্থিত হবে (মৃত্যুবরণ করবে), সে অবশ্যই জান্নাতে প্রবেশ করবে।^৮

(৩) ইখলাস বা একনিষ্ঠতা, যাতে থাকবে না শিরকের গন্ধমাত্র।

অর্থাৎ কথা, কাজ ও অন্তরকে আল্লাহ্‌র জন্য বিশুদ্ধ ও পরিশুদ্ধ করে শুধুমাত্র রাছুলের (ﷺ) ছদ্মহ অনুযায়ী যাবতীয় ‘ইবাদাত একমাত্র আল্লাহ্‌র (ﷻ) সম্ভৃষ্টি লাভের উদ্দেশ্যে করা। আল্লাহ্ (ﷻ) ভিন্ন অন্য কাউকে তাতে সামান্যতম অংশীদার না করা।

কেননা আল্লাহ্ (ﷻ) ইরশাদ করেছেন:-

وَمَا أَمْرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءً.^৯

অর্থাৎ- আর তাদেরকে শুধু এ নির্দেশই দেয়া হয়েছে যে, তারা আল্লাহ্‌র ‘ইবাদাত করবে দীনকে (‘ইবাদাতকে) তাঁর জন্য খাঁটি ও বিশুদ্ধ করে।^{১০}

এ সম্পর্কে রাছুল ﷺ বলেছেন:-

أَسْعُدُ النَّاسَ بِشَفَاعَتِي يَوْمَ الْقِيَامَةِ، مَنْ قَالَ لَا إِلَهَ إِلَّا اللَّهُ، خَالِصًا مِنْ قَلْبِهِ، أَوْ نَفْسِهِ.^{১১}

অর্থ- ক্বিয়ামাতের দিন আমার সুপারিশ লাভে ঐ ব্যক্তি সবচেয়ে সৌভাগ্যবান হবে, যে অন্তরের অন্তস্থল থেকে পূর্ণ নিষ্ঠার সাথে “লা ইলা-হা ইল্লাল্লা-হ্” বলবে।^{১২}

রাছুল ﷺ আরও বলেছেন:-

إِنَّ اللَّهَ قَدْ حَرَّمَ عَلَى النَّارِ مَنْ قَالَ: لَا إِلَهَ إِلَّا اللَّهُ يَبْتَغِي بِذَلِكَ وَجْهَ اللَّهِ.^{১৩}

৯. رواه مسلم

৮. সাহীহ মুছলিম

৯. سورة البينة- ৫

১০. ছূরা আল বায়্যিনাহ- ৫

১১. رواه البخاري

১২. সাহীহ বুখারী

১৩. رواه مسلم

অর্থ- নিশ্চয়ই আল্লাহ ﷺ ঐ ব্যক্তির জন্য জাহান্নামের আগুন হারাম করে দিয়েছেন, যে একমাত্র আল্লাহর (ﷻ) সম্ভ্রষ্টি লাভের উদ্দেশ্যে “লা ইলা-হা ইল্লাল্লা-হ” বলে।^{১৪}

(৪) বিশুদ্ধ সত্যাবাদীতা, যাতে থাকবে না নিফাক্ব (মোনাফিক্বি) বা কপটতার গন্ধমাত্র।

অর্থাৎ পূর্ণ সততা ও সত্যাবাদীতার সাথে খাঁটি মনে সর্বান্তকরণে ঐ কালিমাহুকে স্বীকার করা, যাতে কথার সাথে অন্তরের এবং অন্তরের সাথে কথার পূর্ণ মিল থাকবে। তাই কেউ যদি শুধু মুখে “লা ইলা-হা ইল্লাল্লা-হ” বলে, আর তার অন্তরে যদি ঐ কালিমাহুর অর্থের প্রতি পূর্ণ বিশ্বাস না থাকে, তাহলে সে মুছলমান হতে পারবে না, বরং সে হবে মুনাফিক্ব।

ঐ সম্পর্কে আল্লাহ ﷻ ইরশাদ করেছেন:-

الم. أَحْسِبَ النَّاسُ أَنْ يُتْرَكُوا أَنْ يَقُولُوا آمَنَّا وَهُمْ لَا يُفْتَنُونَ. وَلَقَدْ فَتَنَّا الَّذِينَ مِنْ قَبْلِهِمْ فَلَيَعْلَمَنَّ اللَّهُ الَّذِينَ صَدَقُوا وَلَيَعْلَمَنَّ الْكَاذِبِينَ. ৫১

অর্থাৎ- আলিফ লা-ম মী-ম। মানুষ কি মনে করে যে, তারা একথা বলেই অব্যাহতি (ছাড়) পেয়ে যাবে যে, “আমরা বিশ্বাস করি” এবং তাদেরকে পরীক্ষা করা হবে না? আমি তাদেরকেও পরীক্ষা করেছি, যারা তাদের পূর্বে ছিল। আল্লাহ অবশ্যই জেনে নেবেন যারা সত্যাবাদী এবং নিশ্চয়ই জেনে নেবেন মিথ্যুকদেরকে।^{১৫}

ঐ সম্পর্কে রাছুল ﷺ ইরশাদ করেছেন-

مَا مِنْ أَحَدٍ يَشْهَدُ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ، صِدْقًا مِنْ قَلْبِهِ، إِلَّا حَرَّمَهُ اللَّهُ عَلَى النَّارِ. ১৬

অর্থ- যে কেউ তার অন্তর থেকে সত্য জেনে সাক্ষ্য দেয় যে, আল্লাহ ছাড়া আর কোন সত্য মা'বুদ নেই এবং মুহাম্মাদ ﷺ আল্লাহর রাছুল, তাহলে আল্লাহ ﷻ তার জন্য জাহান্নামের আগুন হারাম করে দেন।^{১৬}

(৫) আল্লাহর প্রতি এমন অগাধ ভালোবাসা, যাতে থাকবে না আল্লাহর (ﷻ) প্রতি কিংবা আল্লাহর দ্বীনের কোন বিষয়ের প্রতি সামান্যতম ঘৃণা বা বিদ্বেষ। সুতরাং কেউ যদি মুখে “লা- ইলা-হা ইল্লাল্লা-হ” স্বীকার করে, আর তার অন্তরে যদি আল্লাহর (ﷻ) কিংবা আল্লাহর দ্বীনের প্রতি সামান্যতম ঘৃণা থাকে, তাহলে সে ব্যক্তি কাফির বলে গণ্য হবে। কেননা আল্লাহ ﷻ ইরশাদ করেছেন-

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ. ১৭

১৪. সাহীহ মুছলিম

১৫. سورة العنكبوت ১-৩

১৬. ছুরা আল ‘আনকাবুত- ১-৩

১৭. رواه البخاري و مسلم

১৮. সাহীহ বুখারী ও সাহীহ মুছলিম

অর্থাৎ- বলুন! যদি তোমরা আল্লাহকে (ﷻ) ভালোবাস তাহলে আমার অনুসরণ করো, এতে আল্লাহ তোমাদেরকে ভালোবাসবেন।^{২০}

আল্লাহ ﷻ আরো ইরশাদ করেছেন:-

وَمِنَ النَّاسِ مَن يَتَّخِذُ مِن دُونِ اللَّهِ أَندَادًا يُحِبُّونَهُمْ كَحُبِّ اللَّهِ وَالَّذِينَ آمَنُوا أَشَدُّ حُبًّا لِلَّهِ.^{২১}

অর্থাৎ- এবং মানুষের মধ্যে এমনও লোক রয়েছে, যারা অন্যান্যকে আল্লাহর সমকক্ষ সাব্যস্ত করে এবং তাদের প্রতি তেমনি ভালোবাসা পোষণ করে, যেমন আল্লাহর প্রতি ভালোবাসা হয়ে থাকে। কিন্তু যারা ঈমানদার, তারা আল্লাহর প্রতি সবচেয়ে বেশি ভালোবাসা পোষণকারী।^{২২}

এমনিভাবে মানুষের প্রতি এ কালিমাতুশ্ শাহাদাহ্'র অন্যতম দাবি হলো:- যে সব মু'মিন বান্দাহ “লা-ইলা-হা ইল্লাল্লা-হ” এর এসব শর্ত পালন করেন, তারা শুধু তাদেরকেই (মু'মিন বান্দাহদেরকেই) আল্লাহর (ﷻ) রাহে ভালোবাসবে এবং যারা তা (“লা ইলা-হা ইল্লাল্লা-হ” এর এসব শর্ত) অমান্য বা লঙ্ঘন করে তাদেরকে ঘৃণা করবে।

এ সম্পর্কে রাছুল ﷺ বলেছেন:-

ثَلَاثٌ مَنْ كُنَّ فِيهِ وَجَدَ حَلَاوَةَ الْإِيمَانِ: أَنْ يَكُونَ اللَّهُ وَرَسُولَهُ أَحَبَّ إِلَيْهِ مِمَّا سِوَاهُمَا، وَأَنْ يُحِبَّ الْمَرْءَ لَا يُحِبُّهُ إِلَّا لِلَّهِ، وَأَنْ يَكْرَهُ أَنْ يَعُودَ فِي الْكُفْرِ كَمَا يَكْرَهُ أَنْ يُقَدَّفَ فِي النَّارِ.^{২৩}

অর্থ- তিনটি গুণ যার মধ্যে আছে সে ব্যক্তি তদ্বারা ঈমানের স্বাদ পাবে।

(এক) আল্লাহ ﷻ এবং আল্লাহর (ﷻ) রাছুল ﷺ তার নিকট সমস্ত কিছু হতে সর্বাধিক প্রিয় হবেন।

(দুই) শুধুমাত্র আল্লাহর (ﷻ) সন্তুষ্টি লাভের নিমিত্ত কাউকে ভালোবাসবে।

(তিন) কুফরীতে ফিরে যাওয়াকে তেমনি ঘৃণা করবে, যেমনি আগুনে নিষ্ফিষ্ট হওয়াকে ঘৃণা করে।

২৪

(৬) এই কালিমাহকে নির্দিধায় প্রফুল্ল মনে এমনভাবে গ্রহণ করা, যাতে অস্বীকার বা বর্জন করার কোন অবকাশ থাকবে না।

অর্থাৎ এই কালিমাহর প্রকৃত অর্থকে সন্তুষ্টিচিত্তে দৃঢ়ভাবে গ্রহণ ও পালন করা এবং খুশি মনে এর (এই

১৯. سورة آل عمران - ৩১

২০. ছুরা আলে ইমরান- ৩১

২১. سورة البقرة - ১৬০

২২. ছুরা আল বাক্বারাহ- ১৬৫

২৩. رواه البخاري و مسلم

২৪. সাহীহ বুখারী ও সাহীহ মুছলিম

কালিমাহর) দাবি ও চাহিদা যথাযথভাবে বাস্তবায়ন করা। অন্যথায় প্রকৃত অর্থে মুছলমান হওয়া যাবে না। তাইতো মুশরিকদের অবস্থা বর্ণনা করে আল্লাহ ﷻ ইরশাদ করেছেন:-

وَيَقُولُونَ إِنَّا لَتَارِكُوا آلِهَتِنَا لِشَاعِرٍ مَّجْنُونٍ.^{৫২}

অর্থাৎ- তাদেরকে যখন লা- ইলা-হা ইল্লাল্লা-হ'র কথা বলা হয়, তারা তখন ঔদ্ধত্য প্রদর্শন করে এবং বলে যে, আমরা কি এক পাগল কবির কথায় আমাদের উপাস্যগুলোকে ছেড়ে দিব?^{২৬}

(৭) “لا إله إلا الله” এর দাবি ও চাহিদার প্রতি পূর্ণ বিনয় ও আনুগত্য প্রদর্শন, যাতে থাকবে না কোনরূপ অহঙ্কার বা নাফরমানির লেশমাত্র।

তাই কেউ যদি মুখে “লা- ইলা-হা ইল্লাল্লা-হ” বলে, কিন্তু সকলপ্রকার তাগুতকে (বাতিল উপাস্যকে) অস্বীকার ও বর্জন করতঃ এক আল্লাহর ‘ইবাদাত না করে এবং আল্লাহ ﷻ ও তাঁর রাছুলের (ﷺ) আদেশ-নিষেধের প্রতি তথা আল্লাহ ﷻ প্রদত্ত শারী‘য়াতের প্রতি পূর্ণ বিনয়ী ও আনুগত্যশীল না হয়, বরং ইবলীছের ন্যায় দম্ভ, অহঙ্কার ও ঔদ্ধত্য প্রদর্শন করে, তাহলে সে মুছলমান বলে গণ্য হবে না। তাইতো আল্লাহ ﷻ আমাদেরকে নির্দেশ দিয়েছেন:-

وَأَنِيبُوا إِلَى رَبِّكُمْ وَأَسْلُمُوا لَهُ.^{৭২}

অর্থাৎ- আর তোমরা তোমাদের প্রতিপালকের দিকে প্রত্যাবর্তন করো এবং তাঁর নিকট সম্পূর্ণরূপে আত্মসমর্পণ করো।^{২৮}

আল্লাহ ﷻ আরো ইরশাদ করেছেন:-

بَلَىٰ مَنْ أَسْلَمَ وَجْهَهُ لِلَّهِ وَهُوَ مُحْسِنٌ فَلَهُ أَجْرُهُ عِنْدَ رَبِّهِ وَلَا خَوْفٌ عَلَيْهِمْ وَلَا هُمْ يَحْزَنُونَ.^{৯২}

অর্থাৎ- হ্যাঁ, যে ব্যক্তি নিজেকে আল্লাহর উদ্দেশ্যে সমর্পণ করেছে এবং সে সৎকর্মশীলও বটে, তার জন্য তার পালনকর্তার কাছে পুরস্কার রয়েছে, তাদের ভয় নেই এবং তারা চিন্তিতও হবে না।^{১০}

(৮) তাগুত সমূহকে অস্বীকার ও বর্জন করা। অর্থাৎ আল্লাহ ﷻ ব্যতীত অন্য সকল উপাস্যকে অস্বীকার ও

২৫. سورة الصافات- ৩৫-৩৬.

২৬. ছুরা আসসা-ফাফা-ত- ৩৫-৩৬

২৭. سورة الزمر- ৫৪.

২৮. ছুরা আযযুমার- ৫৪

২৯. سورة البقرة- ১১২.

৩০. ছুরা আল বাকুরাহ- ১১২

বর্জন করা। আল্লাহ ﷺ ইরশাদ করেছেন:-

فَمَنْ يَكْفُرْ بِالطَّاغُوتِ وَيُؤْمِنَ بِاللَّهِ فَقَدِ اسْتَمْسَكَ بِالْعُرْوَةِ الْوُثْقَىٰ لَا انفصامَ لَهَا. ٥٠

অর্থাৎ- আর যে ব্যক্তি তাগুতদের অস্বীকার করবে এবং আল্লাহর (ﷻ) প্রতি ঈমান আনবে, তাহলে নিশ্চয়ই সে এমন এক মজবুত হাতল আকঁড়ে ধরল যা ছুটবার নয়। ৩২

এ সম্পর্কে রাছূল ﷺ বলেছেন:-

مَنْ قَالَ: لَا إِلَهَ إِلَّا اللَّهُ، وَكَفَرَ بِمَا يُعْبَدُ مِنْ دُونِ اللَّهِ، حَرَّمَ مَالَهُ، وَدَمَهُ، وَحِسَابَهُ عَلَى اللَّهِ. ٥١

অর্থ- যে ব্যক্তি “লা- ইলা-হা ইল্লাল্লা-হ” বলে এবং আল্লাহ ﷻ ব্যতীত সকল উপাস্যকে অস্বীকার করে, তার জান ও মাল নিষিদ্ধ (অর্থাৎ হাদ্দ বা ক্বিসাস ব্যতীত অন্য কোন কারণে তাকে কাফির বলে হত্যা করা যাবে না এবং তার সম্পদ বাজেয়াপ্ত করা যাবে না)। আর তার হিসাব আল্লাহর কাছে রয়েছে। ৩৪

উল্লেখ্য যে, যেহেতু এই ৮নং শর্তটি মূলত: উল্লেখিত ৭নং শর্তের (“লা- ইলা-হা ইল্লাল্লা-হ” এর দাবি ও চাহিদার) অন্তর্ভুক্ত, তাই অনেক ‘উলামায়ে কিরাম ৭টি শর্তের কথা বলেছেন।

৩১. سورة البقرة- ২০৬

৩২. ছুরা আল বাক্বারাহ- ২৫৬

৩৩. رواه مسلم

৩৪. সাহীহ মুছলিম